


越縵堂日記

第四十四冊

荀學齋日記庚集上



光緒十年甲申十二月十九日己丑亥正二刻一分五秒己酉正月節晴酥

先本生祖考蘊山府君生日供饋因肴六豆菜肴四豆菜羹一饅頭一  
大盤麵一盤時果四盤蓮子湯一巡春餅一盤酒三巡飯再巡茗飲再巡係  
晚畢事 同年蔡工部校功來 沈子培來 殷夢庭饋年物 夜寫

春聯大門云已去官猶題戶部更生人亦過新年客坐云佳客偶來還瑞  
榻好花開處亦臨窗內堂云柳絲花影留春塢經卷鑪香逸老堂 閱

徐星伯氏登科記考凡三十卷第一卷起唐高祖武德元年至二十四卷盡昭宣  
帝天祐四年二十五二十六兩卷為五代第二十七卷為增考二十八卷至三十卷為別錄

二十日庚寅晴酥 閱兩書院諸生恭擬 皇太后五帑萬壽頌華生

承勛李生鳳池裝潢錦冊寫作俱佳陳生澤霖序集文選趙生士琛頌  
集十三經經為一章皆追琢工巧 得同年李士周都轉書并兩書院節  
禮十二金明歲闕書一通聘幣十二金犒其使錢八千 夜時加丑奠牲羽  
具果醴祀門行戶井中雷之神反報賽歲神藝沈檀香放爆鞭加軍鼓  
事是夕二更後有風不寒星月彌絜

二十一日辛卯晴 評改學海堂十月分諸生經古卷記黃衣孤表解點  
朱梁紀年論寒鴉賦以斜陽數點流水孤邛為韻擬賈耽進皇華四達記  
表紅葉詩取陳澤霖第一李鳳池第二高振岡第三陳生論甚佳為刪  
改數百字可備名作矣高生儼表極工詩亦高秀趙生士琛表極華贍  
以餘觀不稱置第八經解以李生及華生承勛張生大仕為佳華列第四張

列第七 書五來教夫來留之小飲 饋書王歲物六事 閱戶部通

行開源節流二十四條權酌籌緡故捐閒架無所不有矣 補錄十七日以來

邸鈔

上諭鴻臚寺卿鄧承脩奏講官被議罰重情輕請將樊恭煦降調處分寬免

摺所奏非是近來言事諸臣每多肆口譏評並不平心論事此次徐致祥獲咎

因其有意詆訐前經降旨甚明樊恭煦未能體會執行陳奏是以僅予薄懲該

員前在陝西學政任內聲名尚好朝廷早有所聞將來是否錄用自有權衡該京卿

何得輒徇有乖眾論請將處分寬免使用人之權操之自下尚復成何政體摺內所傳

祖宗因時垂訓不僅以分別門戶標榜攻訐計且諸臣試思門戶標榜最為惡習恭閱乾隆年間

聖諭屢以暗結黨緣混淆國是為戒茲恭引

聖祖仁皇帝實錄內有言路不可不開亦不可太雜之諭嚴切申誡本年三月間鈔奉  
該旨亦以門戶標榜傾軋攻訐等弊諄諄訓飭方今時事多艱廣開言路中外臣工陳奏  
事件如果切中事理無不立見施行即偶有語言文字之疵亦不輕加責備獨至妄逞  
胸臆挾私揣測不得不切實訓諭徐致祥降調後陳奏時事如萬塔因汪鑑汪正元譚彥  
彬黃自元等摺或畱備觀覽或分別飭議無非集思廣益可為言路無阻之明徵何至  
臣下相率緘口如該京卿所慮耶鄧承脩於本年春間奏參徐延旭庸妄等情已在  
該革員債事之後成敗論人並無遠見此類章奏往往有之從未稍加申飭正廷優  
容言官不存苛責該京卿自負敢言竟以言出禍隨等語登諸奏牘純臣忠愛之  
心不出此是直啟激朝廷之怒以博直諫之名此等伎倆難逃洞鑒若將原摺  
擯還並交部議處

上諭卞寶第奏匪徒楊正義假冒提督在湖南安福縣招募勇丁聚機搶奪著  
該督撫飭屬嚴拏務獲懲辦近來各省募勇漫無稽察以致不法匪徒聚機假  
冒為害地方實屬不成事體嗣後各路統兵大臣派員募勇著先行知照赴募省  
分督撫轉飭地方州縣稽查彈壓儻誑無稽文指備募勇即著如舊行查嚴切  
完辦毋稍寬貸

以上十七日

上諭吏部奏遵議處分一摺大學士直隸總督李鴻章鈔差大臣大學士左宗棠均照  
部議降二級留任四川總督丁寶楨應得降三級調用處分加恩改為降三級留任前  
湖廣總督涂宗瀛兩廣總督張之洞均照部議降一級留任前內閣學士陳寶琛照  
部議降五級調用

右春坊右中允朱琛升司經局洗馬

以上十六日

以光祿寺卿沈源深為大理寺卿 二十日

二十二日壬辰晴下午散霽

得繆恒菴二十日津門書

饋介唐夢庭

兩家年物

作書致朱桂卿為子縝求診

書玉饋年物

得桂卿復

作書致子縝饋以食物

評定諸生

萬壽頌凡二十四人第一華承勳弟

二陳澤霖第三李鳳池第四趙士琛皆獎給膏大銀各二兩第五高振岡

第六韓蔭樾第七孟繼溥第八馬家彬第九張大任第十姜秉善各二兩顧思

榮孟繼波張偉李家駒各六錢孫履晉劉嘉瑞以下各四錢以東脩羊助之

夜大雪四更始臥子縝走使啟門告病危甚乞為請書玉桂卿往診寒在雪

深無車可顧兩君皆不能往遂為之徹旦不瞑

師鈔

詔沈源深現已補授大理寺卿着仍在軍機章京上行走

二十三日癸巳晨雪漸止上午散見日景午霽下午漸晴 黃仲攸饋有饌

一品酥餅四盤稿使六千 評點學海堂諸童課卷訖皮祖功紅葉七律

八首用回文體子長茂七絕十首五律六首集唐宋人句皆極有心思餘藝亦尚

稱取二人入內課 作復穎玉如書復季士周書復繆恒菴書 作書致敦

夫饋以食物得復 夜祀竈乞湯圓子 命車欲往視子縝聞其稍平

擬明日視之

二十四日甲午晴 上午子縝家人來告以已刻化去矣不及握手一談哀哉子

縝今年四十有七子長若年十九矣俱在南中隨至北者惟一妻及所生三子兩女皆

孩提也 得書玉書 往哭子縝略敘夫令唐伯樞周介夫下午歸 得陳

畫卿是月朔日濟南書

作書致書王

王可莊來久談

夜復詣子縝

家諸君已散外門虛掩凄然而反詣書王小坐歸

得子培書還詩集

二十五日乙未晴

作書致光甫饋以食物得復

以肴饌一品辭及餅餌四

事遠人真子縝靈牀作書致敦夫

午往視子縝斂悲不自勝涕沾袍袖下

午詣鐵香小坐詣益吾不值而歸

張姬往唁子縝之姬

朱桂卿來以

八金為饋 益吾祭酒來

張姬取回子縝卒前三日所致詩札閱之悽斷

即鈔

上諭 片毓英奏官軍進攻宣光大獲勝仗一摺本月十一日主事唐景崧總兵丁槐分攻

宣光南門外敵寨敵兵大隊出城援應唐景崧督兵迎擊敵軍槍礮三面環施寇軍

進攻益力丁槐率軍立奪敵寨敵人棄舟逃遁復被粵軍擊沈溺斃無算提督

何秀林全軍助戰斃敵甚多劉永福帶同黃守忠沿河截擊敵援奪其竹舟  
板船十二日粵軍復攻東門十三日滇粵兩軍會合猛攻迄未休息合營血戰三日  
勇氣百倍現在宣光城外樵汲已斷即著岑毓英激勵將士乘此聲威規復北圻  
名城同膺懋賞

工部郎中程鼎芬

新建拔貢

選甘肅平慶涇鹽法兵備道

西甯道鄧永保慶涇道方鼎修

四川病故陝督委以平

二十六日而申晴有風下午放霽

吉玉敷夫光甫介唐四君以余明日生日

先期約送酒饌為壽固辭之不得自惟永感餘生何忍以吾降之辰索人酒

食諸君過愛以余久病初起勢欲相娛家人遂更延請諸媛別飭廚傳

今日買饘選技遂紛然矣

第頰

得翁叔平師書饋歲銀十二兩余此

次入都未嘗授師一刺而奉不已深可感也作者復謝 梁星海來

得桂卿書并見贈七律一章去冬大沽口守風寄懷七古一首 作書致

子培 作書復桂卿并還所饋金 仙洲夫人饋年物 芳庭饋生日

禮物 夜有大風 家人為設煖壽筵 得楊理庵是月朔日慈谿書

二十七日丁酉晴 餘 余生日晨起敬拜神祇及 先人 介唐饋生日

禮物受桃餉燭 對門鄭主事德霖饋禮物受饅餉 仙洲夫人饋禮

物受桃餉酒 芳庭來 子鎮姬人饋禮物對之傷感 書玉饋禮物

受桃餉燭 書玉夫人送蓮子湯 介唐來書玉來光甫來教夫來賀

泉來夜設飲霞芬及其弟儷秋來改壽予霞芬銀八兩儷珠二兩 內

子諸姬鴈介唐夫人仙洲夫人鄭夫人書玉夫人於中廳聽影戲各至夜半

而散

邱鈔

命

體仁閣大學士額勒和布充文淵閣領閣事吏部尚書協辦大學士恩承禮部尚書畢道遠吏部左侍郎松滋等充經筵講官

詔

吏部奏鴻臚寺卿鄧承脩應得降三級調用處分加恩改為革職留任

二十一日戊戌竟日霽嚴寒

楊正甫饋生日禮物受百合雜贈 閱徐

氏登科記考

正甫來

夜姓

作片致介唐還公請教夫酒食錢

二十九日己亥晴風寒冽

閱登科記考

下午答謝書王介唐教夫

夢庭鄭德霖正甫答詣桂卿及閔同年荷生夜歸

徐亞陶來

爽味來

夜手錄同治八年迄今年文武諸臣

賜謚以鮑康謚法考

續編止於己巳春也今屬光甫於內閣檔鈔得之

邱鈔

上諭前據都察院代遞翰林院編修潘炳年等奏張佩綸等債事情形給事中萬  
培因奏張佩綸等諱敗捏奏濫保徇私各一摺迭諭令左宗棠楊昌濬查辦茲據左  
宗棠等查明具奏張佩綸尚無棄師潛逃情事惟調度乖方以致師船被燬且該  
軍員於七月初一日接奉電寄諭旨令其備戰初二日何璟告以所聞謂明日法人將  
乘大潮力攻馬尾該軍員疏不嚴行戒備迨初三日敗退往來彭田馬尾之間十五日  
始回駐船廠具奏報失事情情形摺內輒謂豫飭各船管駕有初三日法必妄動之語  
按飾取巧欺罔尤重張佩綸前因濫保徐延旭等降旨革職左宗棠等所請交  
部議處殊覺情重罰輕著從重發往軍臺效力贖罪何如璋被參參案危盜帑  
查無其事惟以押運銀兩為詞竟行逃避赴省所請革職免議之處不足蔽辜著

從重發往軍臺效力贖罪何璟張兆棟辦理防務未能切實布置業經革職免其  
再行置議提督黃超羣道員方勳前據張佩綸奏扼險堅持出奇截殺法兵多名是  
以降旨獎叙茲據左宗棠等查明該提督等兵勇有在船廠駐守未退者有退至距  
廠數里地方者並有搶掠情事黃超羣著撤去黃馬褂方勳著撤銷勇號已革游  
擊張成身死輪船營務處竟敢棄船潛逃該革員有統率各船之責玩敵怯戰應  
從嚴懲辦張成著定為斬監候秋後處決解交刑部監禁左宗棠楊昌濬於奉旨  
交查要件自應切實詳覆乃所奏各情諸多含糊張佩綸等處分意存袒護開  
脫軍事是非功罪關係極重若失事之員懲辦輕縱何以慰辦事者之心左宗棠久  
資倚畀夙負人望何以蹈此惡習著與楊昌濬均傳旨申飭嗣後大員查辦事件  
務當確切查明據實陳奏用副朝廷實事求是至意不得以或查無確證或



王可莊修撰黃仲致編修而歸

夜祀竈

祀故寓公

祀先四有

錄自江表湯氏

八豆菜肴六豆蕪棗羹一銅年饌四盤年饌四盤饌一盤時果四盤酒三巡飯  
再巡附以兩弟一更後數事焚堵泉五挂 飲屠蘇酒守歲 賊家人壓  
歲錢內子十二金席 姬六金僕姬等連敬生日共一百千

甲申生日書王毅夫介唐三編修光甫戶部攜酒見過夜張鑑召樂

與諸君飲即席賦呈

修○幹○無○恆○期○況○復○百○息○集○侵○尋○迫○峻○嶽○生○事○無○一○立○幸○有○君○子○交○素○業○欣○  
所○習○偏○念○縣○孤○辰○楚○然○會○車○空○王○紅○樺○燭○明○玳○筵○蕙○鑪○襲○雙○花○行○金○尊○細○

樂緩聖升平生苦春降連歲開人事尤屬生謀此東刻每懼有鬼歡視蔭每汲三頗聞北戶下臘鼓催戰急傳烽反甘  
泉四海驚濤漲數面朝登壇帖耳夕就帶臺街虛郭支當亮盡帶汁廿里明光  
甲無由買商級詭道詐捷書踰限斷復數終南未為工柱下此可執諸君在承明  
耐寒不有禽雅尚如頃饒港冥共鄉邑相勸一尊酒毋效耳語年十笏節堂寬  
梅花江烟溼酒香銓四圍風雪豈能及翠袖手可溫青山夢先入萬物翹春蘇  
吾學蟄蟲蟄

甲申除夕懷雲門宜川卻寄

龍門西去控三秦獨擁山城爆竹春那有梅花通驛使喜添柏葉頤閨人縣朝  
法酒三朝樂官閑香匪百福巾知今今宵能念戎歲盤鑑照髮如銀